

第一五一冊

方輿彙編

職方典

安陸府部

襄陽府部

(卷)

二四一二五

二五一二五

古今圖書集成

中華書局影印

欽定古今圖書集成方輿彙編職方典

第一千一百四十七卷目錄

安陸府部藝文三

興都事宜疏

柴紫庵記

玉泉拾遺記

遊玉泉記

遊青巖記

遊佛耳巖記

射圃亭記

竟陵泮水呈祥賦并序

安陸府部藝文四

遊仙詩鬼谷洞作

代陽春登荆山行

石城樂六首

漢江餞別謝文學眺

陽春歌

白雪曲

望郢州城

送金竟陵人蜀

子胥臺

望荆山

卞山楚廟

郢城懷古

元上人林泉

昭君怨

明王宗載

袁中道

前人

前人

前人

前人

薛綱

游文聚

晉郭璞

朱鮑照

臧質

梁沈約

檀約

朱孝廉

沈炯

崔信明

鮑機

陳江總

前人

唐李百藥

駱賓王

盧照鄰

宋之問

送沙門弘景道俊元裝還荆門應制

前人

荆門浮舟望蜀江

東方虬

漢濱梅

王適

望荆門

陳子昂

度荆門望楚

前人

晚次樂郊

前人

樊妃墓

張說

饒郢州李使君

蘇頌

樊妃墓

張九齡

玉泉寺

前人

祀紫蓋山經玉泉山寺

前人

侯使石城驛樓

前人

饒郢州李使君

王昌齡

王維

孟浩然

前人

前人

前人

前人

前人

前人

前人

前人

前人

前人

前人

前人

前人

前人

前人

前人

前人

前人

前人

前人

前人

郢門秋懷

前人

答族姪僧中孚玉泉仙入掌茶

前人

荆門浮舟望蜀江

前人

泛沔州城南郎官湖并序

前人

漢東樓

前人

郢客吟白雪

前人

漢江臨眺

前人

度荆門送別

前人

王昭君

前人

宋玉宅

杜甫

明妃

前人

公安送李晉肅入蜀予下沔州

前人

漫酬賈沔州并序

元結

謝陸處士曄山折青桂花見寄之什

顏真卿

劉長卿

前人

前人

前人

前人

前人

前人

前人

前人

前人

前人

前人

前人

前人

前人

前人

前人

前人

前人

前人

前人

使次安陸寄友人

前人

和州送人歸復郢

前人

南楚懷古

前人

聞虞河州有替將歸上都登漢東城寄贈

前人

江行三首

前人

登復州南樓

錢起

送唐別駕赴郢州

前人

送客過江陵寄郢州郎士元

李端

送雍郢州

前人

送郎士元使君赴郢州

盧綸

荆門路

王建

前人

前人

前人

前人

關將軍祠送高員外還荆南

鄧士元

送人歸郢中

劉禹錫

紀南歌

前人

荆門道懷古

前人

玉泉道中作

元稹

白雪樓

白居易

獨遊玉泉寺

前人

題玉泉寺

前人

郢州別王七使君

前人

寄郢州郎使君士元

李嘉祐

賦得郢路悲猿

皇甫冉

送唐別駕赴郢州

前人

送陸鴻漸樓霞寺採茶

皇甫冉

送陸鴻漸山人採茶

賈島

送慧雅法師歸玉泉

孟郊

京山行

前人

自商行謁復州盧使君虔

張祐

夕次竟陵

陸羽

六羨歌

李賀

莫愁樂

李涉

題清溪鬼谷先生舊居

杜牧

漢江二首

許渾

送李睟秀才

前人

漢水傷稼

前人

送盧先輩自衡嶽赴復州

前人

春早郡樓書事寄呈府中群公

李商隱

石城

莫愁村

前人

荆門西下

前人

常林歌

溫庭筠

送令狐郎中赴郢州

趙嘏

登安陸西樓

前人

陪郢州張員外宴白雪樓

許棠

遊玉泉寺

周朴

石城

鄭谷

天門夕照

皮日休

道院迎仙

前人

霄城暮雨

前人

再訪陸處士

曹松

郢州卽事

張喬

過荆門歌

李紳

昇仙橋

羅隱

石城

胡曾

尋陸鴻漸不遇

僧皓然

題玉泉大師智者影堂

齊己

過郢州

魚元模

帝星井

無名氏

寒亭

無名氏

昭君

無名氏

職方典第一千一百四十七卷

安陸府部藝文三

興都事宜疏

明王宗載

臣惟皇上嗣膺丕圖渙頒明詔一切官邪民蠹悉賜
前除元費橫征痛加釐革所以光昭先德子惠羣生
甚盛舉也然興都之地其隱憂積弊什伯四方凋瘵
傷殘日甚一日特以僻在荆鄧未蒙處分臣生長其
間見聞頗悉幸逢盛際義不容默敬條爲五事以備
採擇惟皇上試垂聽焉一曰革莊田以紓民困弘治
七年分封獻帝于安陸州因以郢梁二王所遺莊田
屬焉此固親親之義所宜然也而其時田有定額賦
有定數經管人役莫敢肆其侵陵未始有稱不便者
迨以其田改爲皇莊特命守備太監專理其事遂得
憑藉聲勢陵轢軍民或因經界相連而任其兼并莫
敢誰何或因彼此相爭而誘其投獻陰爲報復小民
既入國儲復征莊課一田兩稅已不堪命而好書積
吏多方掊剋又百倍於公家之征甚至訪有殷富平
民既誣以侵占莊田徑行拘禁務罄竭家資滿其所
欲而後僅以身免撫按諸司稍爲分理一被誣奏莫
能自明如鍾祥縣民周章投獻豐樂河田地有包御
史據法參治而遂至謫戍荆門州民熊尚仁被占沙
洋村於湖有劉知府受詞問斷而竟被中傷此皆往
事之可據者而今則爲患益熾矣臣竊以爲王者以
四海爲家尺地莫非其有乃另設莊田下同藩國非
所以弘聖制而大一統也今合無查將前項田地係
軍者復歸於衛所係民者復歸於府縣一應錢糧或
解內帑收貯或畱守備府支用俱令軍衛有司照數

催征徑自起解不許仍差書辦校尉下鄉科索如此
庶惟正之供既不缺於上無名之征亦可省於下矣
二曰裁冗員以肅官常嘉靖初年因潛邸禮生陳珮
等從龍至京各圖錄用乃於典都察院署及鄧府梁
府岳懷王等處添設奉祀等官十餘員名即以前項
禮生除補初不過備員數典祀而已其後漸希恩寵
妄生事端因奏添補排夫役三十餘名分管守衛校
丁二百餘名假以巡禁山陵為名縱橫鄉曲受理民
詞出入府縣屬託公事任是秩者往往有榮身肥家
之驗遂至富豪之民競輸錢以圖選授每一官而三
四人共之且其考覈不經於撫按黜陟不係於銓衡
惟納重賄於守備即得徑自題請越次除補此雖職
業微渺而計其歲入傷財已不貲矣至於修演道教
已有道紀司而復設道官三員焚修元祐宮守衛陵
寢已有顯陵衛而復差錦衣衛官一員巡視山陵此
輩一出皆僭擬與蓋糜費芻糧挾制有司阿附守備
無益於事而有損於民者也今合無查將前項奉祀
等官每處量留一員以供祀典其餘不論見任候缺
盡行裁革仍本處撫按一體考察有不職者不時論
斥員缺吏部徑題除補守備太監不得專擅奏請其
元祐宮香火即令道紀司焚修陵寢即差顯陵衛指
揮巡視前項添設道官及添差錦衣衛官俱行裁革
如此庶官有定員而名器不濫事有定體而財用可
省矣三曰定經制以清冒濫夫顯陵之有陵戶元祐
宮之有廟夫初不過八十餘家凡一應賦役皆得全
戶蠲免亦未為不可也何比年以來各役狎愛恃恩
奏領護勅冒名寄籍漸紊成規或人止一丁而混開

親識至數千丁或田止百畝而受寄富家至數萬畝
一切繁重差役皆秋毫無與而貧民之累則日益
加重矣至若守備府書辦校尉置買民田本無應免
之例乃亦遞相倣效繁行告免有司無不順承民間
有犯人命強盜違法重情者輒藏匿前項人戶有司
不敢追索是皆以守備為之私庇而法令難行故也
若及今不為限制後將不知所終矣今合無查將前
項陵戶廟夫原領護勅俱行追繳仍查每戶應免丁
田若干限定等則不得稟稱全戶致滋冒濫其書辦
校尉有置買民田者俱令一體當差不得遺累平民
及藏匿罪人違者聽有司徑自究治如此庶法制嚴
明奸猾不得越趨徭役適均貧愚不致偏累矣四曰
正進貢以省科派與都地瘠民貧諸凡土產皆四方
所有自國初以來未有以方物進者嘉靖四十一年
守備太監張方希恩賚予越分遂迎凡果穀魚米粗
重之物皆分派州縣責令里甲買辦以充上貢雖非
其地之所出時之所有而聚取派州縣無敢違者令
小民百倍其值而有不恤也且其供上用者猶有常
品充私饋者漫無紀極本地之出辦既竭其膏脂沿
途之轉輸又急於星火所過騷擾無不騷然蓋不止
一方受病而已也夫國朝歲進之制載在令甲俱有
定式此既不係舊例又未奉有明旨是亦不可以已
乎今合無查將前項進貢方物俱行停止不許守備
太監仍假此名妄差官校需索州縣騷擾違違者
聽所在官司一體參治如此則阿奉無由而希冀之
途塞取用有節而催科之患除矣五曰正事權以絕
弊端夫守備之設專為衛陵寢供養除於府縣無監

臨之責於軍民無統馭之權也惟自太監廖斌煽動
於前張方繼之亦稔其惡奔走司府剝削軍民遂使
事權輻輳而政體乖張有不止於前所言之如縱主
文書辦誑詐民財有王相等二百首惡見犯罪於法
司設緝事校尉羅織人罪者有朱敬德等二百餘名
廣索騙於合郡妬鄭知府之執法遂假以權餉不給
而縱軍士喧噪於府中忿陸知縣之節財因以託夫
役不敷而令校卒窘辱於庭內水災之後所損者特
紅牆數丈耳方欲鼎建而冒功輒奏以罔上常賦
之外所貢者特魚米數品耳方欲通賄而固寵因假
公以濟私凡其蠹國殃民肆行無忌皆由事大權重
而院司府縣俱拱手受成故也今合無查照鳳陽事
體令守備之與方面有司止許以表裏衙門相待不
得以上下體統相臨其該府一應事情關係陵寢者
俱令會同本處撫按計議題請守備太監毋得任情
妄奏書辦校尉量留數名以供守衛其餘盡行裁革
不許仍差緝事受詞致滋民害違者聽撫按官一體
參治如此庶事權不偏而官得其志邪惡不作而
民得安其生矣夫此五者其因仍浸漬雖亦有年而
敢於怙恃巧於彌縫則至張方為尤甚也若張方不
去而欲議地方之因革是猶迴風而縱棹矣況今南
京蘇杭織造內臣未聞顯過亦蒙撤回此獨不可易
而俾流毒於一方耶伏乞勅下該部再加查議如果
臣言不謬將張方先行革去另選端慎內臣以充守
備仍行本處撫按將前項事宜逐一查處務令上可
以安先靈而下有以蘇民瘼則啓佑之謨可垂不朽
而繼述之孝亦未有光矣

柴紫庵記

袁中道

玉泉右掖之山一峰直下如象鼻突止即爲庵有堂三楹曰淨名以祠護法居士者也舒其後爲小室一居僧一予自居堂中望前山如鋪屏墀下有木樨二株可十圍每開香清一山其石牆外中室三楹爲香積周以虎落庵之後所云象鼻突止者瞰之皆石骨鑿一洞曰幻霞以其中有霞紋也可容一案四人清涼沁骨從洞石登山緣鼻而上可百步得亭曰堆藍圍以牆穴以通風望西南山色如墨花淋漓惟九子在西北稍爲楚蔽其鐫庵門外左有小臺聽玉泉水聲甚厲可望後山怪石老樹游雲弄姿堂中所祠者上爲維摩詰左爲武安右爲伯修中郎近得西川黃太史平倩之計予哭而祠之平倩長伯修六歲故位在伯修上海內交游多矣獨祠數公者以皆有功德於玉泉者也即有功德於玉泉而非道德文藻無選前三公者亦不敢蓋祠後度門之意以雷太史何思生平護持玉泉甚力亦得附位在中郎下創始於萬曆辛亥春會以他事歸至壬子六月初四日落成而總名之曰柴紫以玉泉亦名柴紫山也

玉泉拾遺記

前人

居玉泉月餘蘭若粗修復規寺中所宜有者殿後有大士閣已廢復之可以望遠蓋寺以名勝甲天下而無一登眺看山之所於事理甚不可殿前有泉從山後來匯於池宜斃之種蓮而於護世殿左更爲一室一池郵此水入焉使日夜淙淙汨汨稍盈則出而注於玉泉是一快也門外有田二十餘畝可深其半引泉出入其中作放生池由乳竈往關侯廟前右泉而

左爲山足泉路漸崩去山足已近若今人運雜石磊砢其間使僅可通人跡而車馬艱於往來其勢不得不取趙太守所改故道庶山中清寂無驚是亦一快也廟東去數百步渠內多石骨爲水所蝕依稀皆如壁窠大字其上有田一區前作一茶庵以飲往來人而後臨水作一小室使開窓即聽水聲看水色是又一快也夫此皆予心現之而格於力者其果終有落成時耶其亦有就山水之趣者能來此助予否耶

遊玉泉記

前人

出當陽城西趾重阜見諸山最負象時而其中一峯尊特疎秀氣宇如玉妍美如冠者即玉泉山也其上時有異氣非烟非霧如兜羅綿與諸山特異山以泉得名故二十里外得泉爲入沮道皆莽莽修澗至己公嶺下西泉之水繞度門而出會於玉泉其水較洪岸畔多石水始汨汨有聲從此兩掖多坦迤之山泉出其左遊人不復與泉相見時見碑塔皆先朝所修馳道近寺得嶺如龜背起村市駢列逾此如一覽諸山左右障泉聲始厲嶺右壁半落如赤霞左爲諸山窮處得圓阜以精以治宰堵其上中如未巷是謂寺門入門泉自東來帶寺有危橋正殿依山如屏兩峯袖邊上有智者道場四字黃太史筆昔智者從天台歸荆荆山望當陽山色如藍上有紫雲輪困如蓋遂杖策孤征過玉泉至青溪欲建道場意嫌迫隘遂還玉泉止金龍池跌坐枯樹中致關公飯依其建福庭湫潭千丈化爲平址棟宇煥麗巧奪人目昔王遵立水瓠子堤完具王應運潭沱水合世法猶然况人天眼目百靈護持者乎當時尺一有事出神心理

應望表語而畫家亦傳關將軍起玉泉圖良亦有以其後北秀復居此地天后作檀越金機玉題俾於鬼工是固一時也宋明肅劉后蜀人少隨其父入都過此寺僧慕容禪師見而異之爲之禮及撫育仁宗正位長秋大加護持重爲嚴飾是又一時也浸至近代僅存一殿散側欲顯跡公居度門傷其荒蕪有志繕修北走神京大開講肆時黃平倩及予兄弟三人過之跡公言及此寺幾欲墜泪於是平倩中郎各草一疏不盈一基官府朝野金錢騰集其始終營紵中郎極爲苦心今遂煥然復還舊觀雖不同當時之靈祕亦大有異緣山後一壁舊多喬木作殿時伐以資用正如剪髮紉衣甚可悼惜近禁采屢年釋松嬌婉能增黛色寺固大龍湫也雖累土爲基今尚如珠在兩拾級登後山如可瞰遠尚存大士閣基夫殿不毗陽以含冲氣閣不毗陰以曠原隔闕一不可始待來者殿左有吳道子畫大士碑作天男象衣褶最古殿右爲藏經閣尚方新頒金墨爛然左右各一池清泉從殿後出匯爲池注於玉泉或云那伽之宮在焉故一山出泉斃之以種芙蓉最佳相傳即金龍池出護世殿得前橋復與泉遇東行二百餘步爲乳竈窟中石作珂色懸乳如蠟淚前一壁如幻霞玉泉之水囓其根而後出時作壯觀其絕壁有坎相當云前人穴以架閣者隱隱有字畫駁予謂是張孟及元微之所書自可惜若是俗筆能疥烟雲冰霜苦蘚亦大解意憶元微之遊此山詩云松門接官路則當時官路原在門外曰泉脈過僧房則當時僧房正對清泉流水周於戶下光景可想今重牆圍裏惟恐見泉乃知填蟬

異帖規方竹杖者何代幾有過洞兩崖多石骨較狹
壘以石丸渡至響水潭有巨石瓦溪中去地丈餘從
石壁忽作大聲墜而復躍激為浪花濤雪沾濡衣履
山行稍倦童子以蒲團從坐泉上稍暇目疾雷破山
急雨隨之大似振秦皇帝驅山鐸也過此而崖愈狹
響泉以出石骨為泉所蝕作篆籀文乃捨溪復上山
徑至關侯廟前水始寂是謂泉源過橋撫掌皆如珠
串上沸侯所封當為漢壽之亭侯而宋紹興中洞庭
漁人網得一印上一鈕方二寸有奇其上一大環徑

四寸下連四環皆繫印上製甚奇文為壽亭侯印不
知何故豈唐宋間不識字人作贗物以入神廟者耶
廟外列名人詩碑依稀見張孟等字不暇讀去廟數
十步泉聲甫寂而石浪逼人矣道有二其左即走蠶
鑊道也其右往智者洞諸嶂圍之從一罅入如花源
道旁怪石磊磊色或如墨如烟可坐可臥其立而蔽
者下可逃雨右嶺上為宋修傳燈錄院今廢又里許
至智者庵旁為智者洞石理甚堅若夏屋洞下有井
與大江為盛衰春水漲通於玉泉為洪流綠洞後登
山石較不受足履涉至一處稍平即朝職閣舊址萬
山層疊中忽見山口近林遠水甚暢述公與予議覆
之以祠中郎覺孤危難住下智者洞石得少平地乃
喜曰蘭若在是矣相與少坐洞中予謂述公曰此地
似與吾邑人有緣蓋智者亦公安人也智者俗姓陳
父名起祖梁封益陽侯居公安以公安即舊華容地
故亦曰華容人有二子長曰鐵次曰道光道光即智
者其母夫人釜甌在公安牛頭里今猶稱聖母塔旁
有智者所建報恩寺其為邑人無疑若祠中郎於此

信乎與邑人大有緣矣尋舊路歸復於乳窟看月玩
泉得月如曉溪濃雪晚宿於講經臺

遊青溪記

前人

去玉泉五里許如一音寺界一音寺亦智者所建峰
巒甚多總名為一音寺巖也翔舞飛騰已異玉泉中
有兩峯特起若象王迴顧下有聚落青山臨流正玉
泉青溪中路訊一音寺址云正在巖顧今廢矣可四
五里許始入青溪諸山之界裂霧奔雲姿態橫生昔
遊桃花源上酷愛其山勢生動天外浪壁層層以為
稀有今見此山不啻故人生平有山水癖夢魂常在
吳越間豈知眉睫前有青蓮世界乎夫論峰勢玉泉
最為尊特若其層疊多態起伏回環吾不能不愛青
溪諸山少年見妖姬高士見山色雖濃淡不同其怡
志銷魂一也已近寺忽見山青溪泓澎湃噴舞是謂
清溪清溪之跳珠激雪亦無以異於諸泉獨其水色
最奇蓋世間之色其為正也間也吾知之獨於碧不
甚了然今見此水乃悟世間真有碧色如秋天如晚
嵐比之含煙新柳則較濃比之晚籜初篁則較淡溫
于玉滑于純至寒至腴可掬可餐至其沉鬱深厚之
處蟠伏蛟盤首不可測入寺後折而右步至龍女廟
即青溪發源處昔僧法琳於此作論龍女來聽因祠
之祠前有方廣地最宜聽水相傳泉發源周江故與
江水其消長然石中出泉至冬猶澎湃乃諸泉所無
泉之上有峯一壁若燭淚下江駭惶嘆欽可畏其色
朱碧相宜霞雪雜出皆萬萬年雨溜所成為洞二大
士洞徑路斗絕惟臥雲洞在道旁若夏屋可居即琳
法師著論處元又有臥雲禪師居之故亦名臥雲洞

洞邊石磊磊色碧而中空酷似大湖之佳者與度門
寬一卓庵處後倚危石前臨九子晚飲龍女廟前按
水經注青溪水出縣西青山之東有溫泉即青溪源
也以源出青山故曰青溪今人殊不知溫泉青山名
盛弘之云洞水傍生凌空交合危樓傾出恆有落勢
風泉傳響于青林之下巖後流聲于白雲之上遊者
常若目不周觀情不給賞是以林後栖託雲客宅心
多結道士精廬即此地也則青溪之勝其來久矣秣
陵亦有青溪發源鍾山水光山色道不及此而此處
名不甚顯題味亦少豈非以其僻哉候景叛時陸法
和正住青溪與南郡朱元英論兵事蓋青溪固居士
往來處亦宜祠

遊佛耳巖記

前人

去寺溪五里地曰乾溪有某茂才者遊過其宅且云
近宅有佛耳巖可遊遂同往諸山圍裹忽見平曠前
即沮山水水間一佳聚落近巖石壁接連若鐵垣沉
碧中苔粉蔓紫巖左削壁俯澄潭潭邊石路淨滑可
據以濯足諸子皆鳥絲上予初怖之後於近舟乞工
篙上下各以一人持之予攀扶而上石銜淺不受足
幾墜上復投予以繩乃得至洞頗寬博據山水之湊
沮水自房陵來逕高安兩岸秀壁相望雲破霞裂其
崖如佛耳者極多不知何代所鑿安得以一舟徧覽
其勝也

射圃亭記

薛綱

景陵射圃在學宮南蓋分學隙地為之也縣尹姜君
綰銳志復古乃建亭於上高敞壯麗視其志豈徇目
前計哉一日綿率諸生來曰射圃有亭矣願有記述

勒之堅珉垂諸永久庶幾古存羊識禮之意也嗚呼予文豈是存禮哉予嘗讀儀禮記而知其說古者卿士大夫之射也必先行鄉飲酒之禮所以明長幼敬和敬也觀所謂拜至拜洗拜既則敬之至也請安請坐旅爵則和之至也和敬之教行長幼之序明身修家齊而國治天下平也故孔子曰吾觀于鄉而知王道易者此也予奉璽書督學湖湘痛古制不復下車首圖是舉聞西江康齋吳先生謀明是禮以教郡縣予遣兩生從九江學之以歸即命有司築亭置射器俾諸生朔望肄習之不二年間亭圃有鞠爲蔬園者其肄習可知已使得如籍者數十輩分布湖南郡縣亭圃必不蔬園也飲射必不虛文也何謂古禮不可復哉夫復古非徒持弓執爵復其儀文而已亦惟復其禮樂和敬斯不負古先王之意此又諸生之責也予與締之望也

竟陵泮水呈祥賦并序

游文泉

天啓辛酉二月若有佛自東來蜿蜒于學宮之樹杪旣而泮池水湧丈餘紅光燭天鳧鯉自水中飛入橋星門者不可數計其底似金獅子形經日水如山立不散見者莫不駭愕大年劉公必達會試第一王公鳴玉同榜入翰林改諫垣人傑地靈其驗云

惟天啓之御極屬辛酉之仲春遵祖宗之功令值三載之寶典慶玉衡之起運誕發祥于景陵有神物之自天乘雲氣以東來忽風生于蘋末乃如輪而如頰方蜿蜒于宮樹復還遶于庭階俄而泮池水湧騰起百丈紅光糾結水日如嶂其閃閃也如日其團團也

如蓋其旋轉也如轂其濛濛也如帶隱隱隆隆奇奇怪怪變幻翕忽莫可名態予時挾策往觀喟然嘆曰有是哉是物之顯異也豈楚王之濟江浮萍實于水濱豈交甫之適野弄遺珠于漢津豈陽侯之奮怒鼓白波於洞庭豈天吳之作祟仍洪水于襄陵而胡爲乎海水之騰樓潛泣珠之鮫人若錢塘之舞潮迎胥濤之巨神如銀漢之倒瀉高掛于碧雲如黃河之下注震撼於龍門如江海之翻瀾搖天而盪日如瀑布之飛泉濺珠而噴玉顯龍宮於海藏現水怪於燃犀而予不覺銀海生花五色無主形神俱喪舌強欲吐恍惚之間若有所諭神雖不言默示以意若謂子既索稱夫涉獵胡不追憶夫觀記虎嘯而風生龍興而致雲雨零而礎潤蛛網而喜臨燈火爆而得錢財乾鵲噪而至行人里社鳴而聖人出黃河清而聖人生河出圖洛出書兆文明之瑞而麟遊郊鳳儀庭顯至治之徵茲者天道之著象夫豈虛幻而難憑當必有異人焉鍾扶輿之間氣萃光岳之精英振文淵于學海漱芳潤于詞林行且開兩間之泰運沛八表之甘露調元氣于玉燭轉日較于崑崙勒鴻名于鼎彝豎駿業于無垠倘謂予言之未信請以俟夫來春旣而劉君必達以會元而及第王君鳴玉以諫議而顯名喜天道之不爽爰走筆而特書以自附于斯文

安陸府部藝文四

遊僊詩鬼谷洞作

晉郭璞

青谿千餘仞中有一道士雲生梁棟間風出懸戶裏借問此阿誰云是鬼谷子翹迹企顙陽臨河思洗耳聞闔西南來潛渡魚鱗起靈妃顧我笑粲然啓玉齒寒修豈不存要之將誰使

代陽春登荆山行

宋鮑照

旦登荆山頭崎嶇道難遊早行犯霜露苔滑不可留極眺入雲表窮目盡帝州方都列萬室層城帶高樓奕奕朱軒馳紛紛綺衣流日氛映山浦喧騰逐風收花木亂平原桑柘盈平疇榮條弄紫莖藉露折芳柔遇物難成趣念者不解憂且共傾春酒長歌登山丘

石城樂

臧質

唐書樂志曰石城樂者宋臧質所作也石城在竟陵質嘗爲竟陵郡於城上眺矚見群少年歌謠因作此曲

生長石城下開闢對城樓城中諸少年出入見依投

陽春百花生摘插環髻前舉指賜忘愁相與及盛年

又布帆百餘幅環現在江灣執手雙淚落何曾見歡還

又大編載三千漸水丈五餘水高不得渡與歡合生居

又聞歡遠行去相送方山亭風吹黃蘗葉惡聞苦離聲

又莫愁在何處莫愁在城隈艇子打兩槳催送莫愁家

又

聞歌下揚州相送楚山頭探手抱腰看江水斷不流
漢江餞別謝文學眺

梁沈約

漢池水如帶巫山雲似蓋潯汨背吳潮潺湲橫楚額
一望沮漳水事思江海會以我徑寸心從君千里外

陽春歌

檀約

青春獻初或白日映離梁蘭萌猶自短柳葉未能長
已見紅花發復聞花蕊香乘此試遊行誰知心獨傷

白雪曲

朱孝廉

凝雲沒霄漢從風飛且散聯翩下幽谷徘徊依井幹
既與楚客謠亦動周王歎所恨輕寒早不追陽春旦

望郢州城

沈炯

魂今何處返非死復非仙坐何如昨日石合未淹年
歷陽頓成浦東海果爲田空憶扶風詠誰見岷山儂

世變才良改昔移民物遷悲哉孫驕騎悠悠哭彼天

送金竟陵人蜀

崔信明

金門去蜀道玉壘望長安豈言千里遠方尋九折難
西上君飛蓋東歸我掛冠猿聲出峽斷月彩落江寒

從今與君別花月幾新殘

子胥臺

鮑機

忠孝誠無報感義本投身日暮江波急誰憐漁丈人
楚墓悲猶在吳門恨未伸

望荆山

陳江總

奉義至江漢始知楚塞長南關繞桐柏西岳出魯陽
寒郊無畱影秋日懸清光悲風繞重林雲霞瀟川漲

歲晏君如何零泪沾衣裳玉柱空掩露金樽坐含霜
一聞苦寒奏再使艷歌傷

千山楚廟

前人

蘋藻祈明德倚棹息巖阿忽聽晨鷄曙非復楚宮歌
閒階雜宿莽古木懸新蘿嶂堂寂易晚炮鼓自相和
盛祀流百世英威定幾何

郢城懷古

唐李百藥

客心悲暮序登壇瞰平陸林澤晉平綿山川鬱重複
王公資設險名都距江漢方城次北門溟海窮南服

長策挫吳王雄圖競周鹿萬乘重沮漳九鼎經伊穀
大蒐雲夢掩壯觀章華築人世更盛衰吉凶良倚伏

遠見鄰交斷仍觀賢臣逐南風急不競西師日侵蹙
運圯屬驍馳時屯恣敵討莫救夷陵火無復秦庭哭

郢郭遂丘墟風塵供慘讀孤兔時遊踐霜露日沾沐
釣渚曲池平神臺層宇覆陣雲埋夏首窮陰慘荒谷

恨矣舟壑遷悲哉年代修雖異三春望終傷千里目

元上人林泉

駱賓王

俗遠風塵隔春還初服遲林疑中散地人似上皇時
芳杜湘君曲幽蘭楚客詞山中有春草長似寄相思

昭君怨

盧照鄰

合殿恩中絕交河使漸稀肝腸辭玉輦形影向金微
漢地草應綠胡庭沙正飛願逐三秋鳥年年一度歸

漢江

宋之問

嶺外音書斷經冬復歷春近鄉情更怯不敢問來人
送沙門弘景道俊元英還荆門應制

前人

前人

三乘歸淨域萬騎餞通莊就日離亭近彌天別路長
荆南旋杖鉢渭北限津梁何日紆真果還來入帝鄉
荆門浮舟望蜀江

方輿彙編職方典第一千一百四十七卷安陸府部

春水自映來浮舟望安極正見桃花流依然錦江色

漢濱梅

王道

忽見寒梅樹開花漢水濱不知春色早疑是弄珠人

望荆門

陳子昂

楚關微雨收荆門看目漢舟水雲裏日暮春江綠
霽華淨洲渚夜色連松竹月出波上時人歸渡頭宿

一身已無累萬事更何欲漁父自夷猶白鷗不羈束
既憐滄浪水更愛滄浪曲不見眼中人相思心斷續

度荆門望楚

前人

遙遙去巫峽望望下章臺巴國山川盡荆門烟霧開
城分蒼野外樹斷白雲隈今日行歌客誰知入楚來

晚次樂郊

前人

故鄉杳無際日暮且孤征川原迷舊國道路入邊城
野戍荒煙斷深山古木平如何此時恨嗷嗷夜猿鳴

樊妃墓

張說

楚國所以霸樊妃有力焉不懷沈尹祿惟諂叔敖賢
萬化茫無在孤墳獨巍然北分陽臺陌南鄰郢城阡

漠漠渚宮樹蒼蒼雲夢田登高形勝出訪古令名傳
自我來符守因君樹蕙荃詩書將幾俗緜緜忽彌天

志闌三折後愁慙二毛前佇立帝京路遙心寄此篇

錢郢州李使君

蘇頌

楚有章華臺遙遙雲夢澤復聞擁符傳及是收圖籍
佳政在黎人能聲奇侯伯難懷明風起試望秋陰積

中路悽以寒群山需將夕傷心聊把袂招恨麒麟客

樊妃墓

張九齡

蘋藻生南澗蕙蘭秀中林嘉名有所植芳氣無幽深
楚子初逞志樊妃常獻箴能令更擇士非直龍從禽

舊國皆湮滅先王亦莫尋惟傳賢媛雙猶結後人心
牢落山川意蕭疎松柏陰破牆時直上荒徑或斜侵
惠問終不絕風流猶至今千秋思窈窕黃鳥復哀音

玉泉寺

前人

靈境信幽絕芳時重臨妍再來及茲勝一遇非無緣
萬木柔可結千花敷欲燃松間鳴好鳥竹下流清泉
石壁開精舍金光照瀛庭真空本自寂假有聊相宜
復此灰心者仍追巢頂禪箇書雖有畏身世亦俱捐

祀紫蓋山經玉泉山寺

前人

指途躋楚望策馬傍荆岑稍稍松篁入冷冷澗谷深
觀奇逐幽渺歷險忘巖嶽上界投佛影中天揚梵音
焚香懺在昔禮足誓來今靈異若有對神仙真可尋
高僧聞逝者遠俗是初心薜剝經行處復啼燕坐林
歸真已寂滅雷跡豈湮沉澗地自茲廣何云千萬金

候使石城驛樓

前人

山檻憑高望川途渺北流遠林天翠合前浦日華浮
萬井絲津渚千艘咽渡頭漁商多末事耕稼少良疇
自守陳蕃榻嘗登王粲樓徒然騁目處豈是獲心遊
向跡雖愚谷求名異盜丘息陰芳木所空復越鄉憂

饒鄂州李使君

王昌齡

寒江映村林亭上納鮮潔楚客共閒飲靜坐金管闕
幽意日入山取來雲歸穴城樓空杳靄猿鳥倍清切
物狀如絲綸止心爲予訣訪君東還寺早晚樵徑絕

送及歸鄂中

王維

萬里春應盡三江鴈亦稀連天漢水廣孤客鄂城歸
鄴國稻苗秀楚人菰米肥應知倚門望遙識老萊衣

歸至鄂中

孟浩然

遠遊經海嶠返棹歸山阿日夕見喬木鄉關在伐柯
愁隨江路盡喜入郢門多左右看桑土依然即匪他

送柏子之郢成禮

前人

聞君馳絲騎蹀躞指荆衡爲結潘楊好言過郢城
標梅詩已贈羔鴈禮將行今夜神仙女應來感夢情

漢中漾舟

前人

漾舟逗何處神女漢皋曲雪罷水復開春潭十丈綠
輕舟恣往來探散無厭足波影搖枝叙沙光逐人目
傾蓋魚鳥醉聯句驚花續良會難再逢日入須秉燭

寓荆門上張丞相

前人

共理分荆國招賢愧楚材召南風更闢丞相關還開
觀止欣眉睫沉淪拔草萊坐登徐榻榻頻接李膺杯
始慰蟬鳴柳俄看雪間梅四時年箭盡千里客程催
日下瞻歸翼沙邊厭驪騰佇聞宣室召星象復中台

陪張九齡祠紫蓋山遊玉泉寺

前人

望秩宣王命齋心待漏行青襟列曹子從事有參卿
五馬尋歸路雙林指化城聞鐘度門近照膽玉泉清
皂蓋依巖巖巖徒擁錫迎天宮上咒事法界豁幽明
欲就終焉志先聞智者名人隨逝水沒山迷覆舟傾
想像若在眼周流空復情謝公還欲臥誰與濟蒼生

竟陵西塔寺

裴迪

竟陵西塔寺蹤跡尚空虛不獨文公住曾經陸羽居
草堂荒產蛤茶井冷生魚一汲清冷水高風味有餘

送人歸河南

李頎

梅花今正發失路復何如舊國河山在新年風景殊
春饒漢陽夢日寄武陵書可惜明時老臨川莫羨魚

昇仙橋

岑參

長橋題柱去猶是未達時及乘駟馬車却從橋上歸
名共東流水滔滔無盡期

漁父

前人

扁舟滄浪叟心與滄浪清不自道鄉里無人知姓名
朝從灘上飯暮向蘆中宿歌竟還復歌手持一竿竹
竿頭釣絲長丈餘鼓枻乘流無定居世人那得識深
意此翁取適非取魚

鮮于庶子泛漢江

前人

急管更須吹金杯莫遣遲酒光紅琥珀江色碧琉璃
日影浮歸棹蘆花骨釣絲山公醉不醒問取葛疆知

秋下荆門

李白

霜落荆門江樹空布帆無恙掛秋風此行不爲鱸魚
鱸爲愛名山入剡中

安陸寄劉侍御綰

前人

雲臥三十年好閒復愛仙蓬壺雖寥絕鸞鶴心悠然
歸來桃花巖得憩雲牕眠對嶺人共語飲潭須相連
昔升翠微上邈若羅浮巔兩岑抱東壑一嶂橫西天
樹雜日易隱崖傾月難圓芳草渙榮色飛蘿搖春煙
入遠構石室選幽開山田獨此林下意杳無區中緣
未辭霜臺客千載方來旋

鄂門秋懷

前人

鄂門一爲客巴月三成望朔風正搖落行子愁歸旋
杳杳山外日茫茫江上天人迷洞庭水馬度瀟湘煙
清曠諸宿好編聯及此年百齡何蕩漾萬化相推遷
空調蒼梧帝徒尋溟渤仙已開蓬海淺豈見三桃園
倚劍增浩歎捫襟還自憐終當遊五湖濯足滄浪泉
答族姪僧中平玉泉仙人掌茶

答族姪僧中平玉泉仙人掌茶

前人

嘗聞玉泉山洞多乳窟仙風如白鶴倒懸深谿月
若生此中石玉泉流不歇根柯灑芳津採服潤肌骨
叢老捲綠葉枝枝相接連曝成仙人掌似拍洪崖肩
舉世未之見其名定誰傳宗英乃禪伯投贈有佳篇
清鏡燭無鹽顧慚西子妍朝生有餘興長吟播諸天

荆門浮舟望蜀江

前人

春水月峽來浮舟望安極正是桃花流依然錦江色
江色綠且明茫茫與天平遙連巴山盡搖曳楚雲行
雪照聚沙鴈花飛出谷鶯芳洲却已轉碧樹森森迎
流目浦烟夕揚帆海月生江陵識遙火應到渚宮城

泛沔州城南郎官湖

前人

乾元歲秋八月白遷於夜郎遇故人尚書郎張謂
出使夏口沔州牧杜公漢陽宰王公鵬於江城之
南湖樂天下之再平也方夜水月如練清光可掇
張公殊有勝槩四望超然乃顧白曰此湖古來賢
棄遊者非一而枉踐佳景寂寞無聞夫子可爲我
標之嘉名以傳不朽白因舉酒酹水號之曰郎官
湖亦猶鄴園之有僕射陂也席上文士輔翼岑靜
以爲知言乃命賦詩紀事刻石湖側將與大別山
共相磨滅焉

張公多逸興共泛沔城隅當時秋月好不減武昌都
四座醉清光爲歡古來無郎官愛此水因號郎官湖
風流若未減名與此山俱

漢東樓

前人

彼美漢東國川藏明月輝誰知喪亂後更有一珠歸

鄂客吟白雪

前人

鄂客吟白雪遺響飛青天徒勞歌此曲舉世誰爲傳

試爲巴人唱和者乃數千吞聲何足道歎息空悽然

漢江臨眺

前人

楚塞三湘接荆門九派通江流天地外山色有無中
郡邑浮前浦波瀾動遠空襄陽好風日留醉與山公

度荆門送別

前人

度遠荆門外來從楚國遊山隨平野盡江入大荒流
月下飛天鏡雲生結海樓仍憐故鄉水萬里送行舟

王昭君

前人

漢家秦地月流影照明妃一上玉關道天涯去不歸
漢月還從東海出明妃西嫁無來日燕支長寒雪作
花娥眉憔悴沒胡沙生乏黃金柱圖畫死留青塚使
人嗟

宋玉宅

杜甫

搖落深知宋玉悲風流儒雅亦吾師悵望千秋一灑
淚蕭條異代不同時江山故宅空文藻雲雨荒臺豈
夢思最是楚宮俱泯滅舟人指點到今疑

明妃

前人

群山萬壑赴荆門生長明妃尚有村一去紫臺連朔
漠獨留青塚向黃昏畫圖省識春風面環珮空歸夜
月魂千載琵琶作胡語分明怨恨曲中論

公安送李晉肅入蜀

前人

正解柴桑纔仍看蜀道行檣鳥相背登臺馬一行鳴
南紀連銅柱西江接錦城憑將百錢下飄泊問君平

漫酬賈沔州

元結

賈德方與漫更善懼漫更不能甘窮獨懼漫更又
須爲官故作詩相喻其指曰勸爾莫作官作官不
益身因德方之意漫酬之

往年壯心在常欲濟時難奉詔舉州兵令得誅暴叛
上將屢顧偏師營救亂未曾弛戈甲終日領傳案
出入四五年憂勞忘昏旦無謀靜見醜自覺愚且悞
豈欲早樞中爭食麥與費去年辭職事所權始憂患
天子許安親官又得閒散自家樊水上性情尤荒慢
雲山與水本似不憎吾慢以茲忘昔世日益無畏憚
漫醉人不喚漫眠人不喚漫遊無遠近漫樂無早晏
漫中漫亦忘名利誰能算聞君勸我意爲君一長歎
人誰年八十我已過其半家中孤弱子長子未及冠
且爲兒童主種藥老谿澗

謝陸處士杼山折青桂枝見寄之什

顏真卿

群子遊杼山山寒桂花白綠萼含素萼采折自逋客
忽枉岩中詩芳香潤金石全高南越靈豈謝東堂策
會偕名山期從君恣幽覲

使次安陸寄友人

劉長卿

新年草色遠萋萋久客將歸問路蹊暮雨不知浪口
處春風只到穆陵西孤城盡日花空落三戶無人鳥
自啼君在江南相憶否門前五柳幾枝低

和州送人歸復鄆

前人

因家漢水曲相送掩柴扉故鄉生青草寒山淡落暉
綠林行客少赤壁住人稀獨過潯陽去湖歸人不歸
南楚懷古

南楚懷古

前人

南國久蕪沒我來空鬱陶君看章華宮處處生蓬蒿
但見陵與谷豈知賢與豪精魂托古木寶玦捐江皋
倚棹下晴景迴舟隨晚濤暮暮落湖上秋天高
往事那堪問此心徒自勞獨餘湘水上千載聞離騷

聞虞沔州有替將歸上都登漢東城寄贈

前人

淮南搖落客心悲，淚水悠悠恨別離。
早鴈初辭舊關塞，秋風先入古城池。
腰章建隼皇恩賜，露冕臨人白髮垂。
惆悵使君先我去，漢陽耆老憶旌麾。

江行三首

前人

行背青山郭，吟當白露秋。
風流無屈宋，空味古荆州。
斗轉月未落，舟行夜已深。
有村知不遠，風便數聲砧。

古木多思客，搖落恨江潭。
今日秋風至，蕭疎過河南。

登復州南樓

錢起

孤樹延春色，他山卷曙霞。
客心湖上鴈，歸思日邊花。
行李迷方久，歸期涉歲餘。
故人雲路隔，何處寄瑤華。

送唐別駕赴鄂州

前人

少年從事好，此去別愁輕。
滿坐詩人興，隨君鄂路行。
蒹葭侵驛樹，雲木抱山城。
遙愛下車日，江草春草生。

送客赴江陵寄鄂州郎士元

李端

露下晚蟬愁，詩人舊怨秋。
沉湘莫留滯，宛洛好遨遊。
飲馬逢黃菊，離家值白頭。
竟陵明月夜，爲上庾公樓。

送雍鄂州

前人

厭郎思出守，遂領漢東軍。
望月逢殷浩，緣江送范雲。
城開煙草遍，浦迴雪林分。
誰伴樓中宿，吟詩估客聞。

送郎士元使君赴鄂州

盧綸

賜衣象綬節，行日鄂中開。
花發登山廟，天晴閣水軍。
漁商三楚接，郡邑九江分。
高興應難送，元戎有大勳。

荆門路

王建

江邊行人暮悠悠，山頭殊未見荆門。
峴亭西南路多

曲櫟林深溪石簇，簇看炊紅米煮白魚。
夜向鷄鳴店，家宿南中三月蚊。
蚋生黃昏不聞人語，聲生紗帷棘薄如霧。
隔衣噴膚耳邊鳴，欲明不待燈火起。
喚得官船過，蠻水女兒停客茅屋新。
開門掃地桐花裏，犬聲撲撲寒溪煙。
人家燒竹種山田，巴雲欲雨蕉石熱。
麋鹿過江蟲出穴，大蛇過處一山腥。
野牛驚跳雙角折，斜分漢水橫千山。
山青水綠荆門關，向前問箇長沙路。
舊是屈原沈溺處，誰家丹旆已南來。
逢著流人從此去，月明山鳥多不棲。
下枝飛上高枝啼，主人戀遠心不憚。
羅衫臥對章臺夕，紅燭交橫各自歸。
酒醒還是他鄉客，壯年留滯尚思家。
况復白頭在天涯。

關將軍祠送高員外還荆南

郎士元

將軍稟天資，義勇冠今昔。
走馬百戰場，一劒萬人敵。
誰爲感恩義，竟作思歸客。
流落荆南間，徘徊故鄉隔。
離筵對祠宇，酒酒暮天碧。
去去勿復言，銜悲向陳跡。

送人歸鄂中

劉禹錫

君思鄂上吟歸去，故自渝南擲郡章。
野戍岸邊留畫舫，綠蘿陰下到山莊。
池荷雨後衣香起，庭草春深綬帶長。
祇恐鳴騶催上道，不容待得晚松書。

紀南歌

前人

風烟紀南城，塵土荆門路。
天寒多獵騎，走上樊姬墓。

荆門道懷古

前人

南國山川舊帝畿，宋臺梁館尚依稀。
馬嘶古樹行人歇，麥秀空城野雉飛。
風吹落葉填宮井，火入荒陵化寶衣。
徒使詞臣庾開府，咸陽終日苦思歸。

玉泉道中作

元稹

楚俗物候晚，孟冬纔有霜。
早農半華實，夕水含風涼。

遐想雲外寺，峯巒相望松。
門接官路，泉脉連僧房。
微露上弦月，暗焚初夜香。
谷深烟燭淨，山虛鐘磬長。
戀此清境遠，復憂塵事妨。
行行且前路，勿滯分寸光。

白雲樓

白居易

白雲樓中一望鄉，青山簇簇水茫茫。
朝來渡口逢京使，說道煙塵近洛陽。

獨遊玉泉寺

前人

雲樹玉泉寺，肩輿半日程。
更無人作伴，祇共酒同行。
新葉千萬影，殘鶯三兩聲。
閒遊竟未足，春盡有餘情。

題玉泉寺

前人

湛湛玉泉色，悠悠浮雲身。
閒心對定水，清淨淨無塵。
手把青筇杖，頭戴白綸巾。
典盡下山去，知我是誰人。

鄂州別王七使君

前人

昔日詩狂客，今爲酒病夫。
強吟翻恨望，縱酒不歡娛。
鬢髮三分白，交親一半無。
郢城君莫歇，猶較近京都。

寄鄂州郎使君士元

李嘉祐

龍節知無事，江城不掩扉。
詩傳過客遠，書到故人稀。
坐嘯看潮起，行春送鴈歸。
望舒三五夜，思盡謝元暉。

賦得鄂路悲猿

皇甫冉

悲猿何處發，鄂路第三聲。
遠客知秋暮，空山益夜清。
啾啾深重木，嘯嘯入孤城。
坐覺盈心耳，倏然適楚情。

送唐別駕赴鄂州

前人

莫歎辭家遠，方看佐郡榮。
林通楚塞高，嶺見秦城雲向曉。
關下人從郢路迎，翻翻駟馬去。
自是少年行採茶，非採茶遠上層崖。
布葉春風暖，盈筐白日斜。
舊知山寺路，時宿野人家。
借問王孫草，何時泛浣花。

送陸鴻漸山人採茶

皇甫曾

千峯待逋客香茗復叢生採摘知深處烟霞獨獨行
幽期山寺遠野飯石泉清寂寂燈夜相思一磬聲

送惠雅法師歸玉泉

賈島

祇到瀟湘地洞庭湖未遊飲泉看月出下峽聽猿愁
講不停雷雨吟當近海洲降霜歸楚夕星冷玉泉秋

京山行

孟郊

衆蟲聚病馬流血不得行後路起夜色前山聞虎鳴
此時遊子心百尺風中旌

自商行謁復州盧使君虔

前人

一身遶千山遠作行路人未遂東吳歸暫出西京塵
仲宣荊州客今爲竟陵賓往蹟雖不同托意皆有因
商嶺莓苔滑石坂上下頻江漢沙泥潔永日光景新
獨泪起殘夜孤吟望初晨驅馳竟何事草句依深仁

夕次竟陵

張祐

南風吹五兩日暮竟陵城腸斷巴江月夜蟬何處聲

六羨歌

陸羽

不羨黃金疊不羨白玉杯不羨朝入省不羨暮入臺
千羨萬羨西江水曾向竟陵城下來

莫愁樂

李賀

草生壠坡下鴉噪城壕頭何人此城裏城角栽石榴
青絲繫五馬黃金絡雙牛白魚駕蓮船夜作千里遊
歸來無人識暗上沉香樓羅牀倚瑤琴殘月傾簾鉤
今日權花落明朝梧樹秋若負平生意何名作莫愁

題清溪鬼谷先生舊居

李涉

翠壁開天地青崖列雲樹水容不可狀杳若清河霧
常聞先生教指示秦儀路二子才不同還詞過尺度

偶因從吏役遠到冥棲處松月想舊山烟霞了如故
未遑鍊金鼎日覺容光暮萬慮隨境生何由返真素
寂寞天籟息清迥鳥聲曙迴首望重重無期挹風馭

漢江二首

杜牧

洛洛漢漢白鷗飛綠盡春深好染衣南去北來人自
老夕陽長送釣船歸

又

許渾

漢江一帶碧流長兩岸春深鎖綠楊借問膠船何處
沒欲停蘭棹祀昭王

送李服秀才

前人

南樓送客西郭見荆門鳥鵲下寒渚牛羊歸遠村
蘭舟倚行棹桂酒掩餘鐙重此一留宿前村烟水昏

漢水傷稼

前人

此郡雖自夏無雨江邊多積油然可觀秋八月天
清日朗漢水泛溢人實爲災軫念疲羸因賦四韻

送盧先輩自衡嶽赴復州

前人

名振金閨步玉京暫留滄海見高情衆花盡處松千
尺羣鳥喧時鶴一聲朱閣簾涼疎雨過碧溪船動早

二

前人

湘南詩客海中行鵬翅垂雲不自矜秋水靜磨金鏡
土夜風寒結玉壺冰萬重嶺嶠衡嶽千里山陂問

春早那樓書事寄呈府中羣公

前人

竟陵醉倚西樓人已遠柳溪無浪月澄澄

兩鬟垂絲髮半霜石城孤夢繞襄陽鷓鴣暮裏蓮披
檻虎豹營中柳拂牆畫燈欲行春水急翠簾初捲暮

石城

李商隱

石城誇窈窕花縣更風流草木將飄飈簾烘不隱鉤
玉童收夜鑰金狄守更籌更笑鴛鴦綺鴛鴦兩白頭

莫愁村

前人

雪中梅下與誰期梅雪相兼一萬枝若是石城無艇
子莫愁還自有愁時

荆門西下

前人

一夕南風一葉危荆雲迴望夏雲時人生豈得輕離
別天意何嘗忌嶮巇骨肉書題安紀復蕙蘭蹤徑失

常林歎

溫庭筠

唐書樂志曰常林歎疑宋梁問曲宋梁之世荆雍
爲南方重鎮皆王子爲之牧江左辭誅莫不稱之

簡文帝樂府歌云分手桃林岸送別峴山頭若欲

寄音信漢水向東流又曰宜城投酒令行熟倚鞍
繫馬暫棲宿桃林在漢水上宜城在荊州北荊州

有長林縣江南謂情人爲歡常長聲相近蓋樂人

誤謂長爲常

宜城酒熟花覆橋沙晴綠鴨鳴交交穠桑繞舍麥如

尾幽軋鳴機雙燕巢馬聲特特荆門道蠻水揚光色
如草錦薦金爐夢正長東家啾啾鳴鳴早

送令狐郎中赴鄂州

趙嘏

佐幕才多始拜侯一門清貴動神州霜蹄曉駐秦雲

斷野旆晴翻鄧樹秋幾處塵生隨候騎半江帆盡見
分流大馮罷相吟詩地莫惜頻登白雪樓

登安陸西樓

前人

樓上翠筵日日開眼前人事祇堪哀征車自入紅塵
去遠水長穿綠樹來雲雨暗更歌舞伴山川不盡別
離杯無由併寫春風恨欲下郎城首重回

陪鄧州張員外宴白雪樓

許棠

高情日日閒多宴雪樓間灑檻江邊雨當筵天際山
帶帆分浪色駐樂話朝班豈料羈遊者樽前得解顏

遊玉泉寺

周朴

寺還名玉泉澄水亦遺賢物尚猶如此人爭合偶然
清流雲斷外山峻鳥飛前初日長廊下高僧正坐禪

石城

鄭谷

石城昔爲莫愁鄉莫愁魂散石城荒江人依舊棹舫
極江岸還是飛鷺驚帆去帆來風浩渺花開花謝春
悲涼烟濃草遠望不盡千古漢陽關夕陽

天門夕照

皮日休

落霞如綺綺晴空坐看天門欲下春十里孤峯層漢
碧數家殘照半江紅荒村市販人歸牧遠浦沙明水
宿鴻回首長安何處是嵯峨宮闕五雲中

道院迎仙

前人

百尺丹臺倚翠華洞門迢遞隔烟霞雨中白鹿眠芳
草松下青牛臥落花幽谷月明浮紫氣瑤池水暖伏
丹沙拋書亦欲尋真去安得相從一飯麻

青城暮雨

前人

草樹連雲雉堞平蕭蕭風雨暗荒城流歸洞壑應無
色響入松杉覺有聲旅邸愁人寧復夢書堂倦客若

爲情芭蕉滴瀝傷心處俯仰空懷一笑名

再訪陸處士

曹松

萬卷書邊人半白再來惟恐降元纁性靈比鶴爭多
少氣力登山較幾分吟鬢漸無前度漆裘衣猶有昨
宵雲將知谷口耕煙者低視齊梁楚趙君

鄧州即事

張喬

孤城臨遠水千里見寒山白雪無人唱滄洲盡日間
鳥歸殘堦外帆去斷雲間此地秋風起應隨計吏還

過荆門歌

李紳

荆江水闊煙波轉荆門路遙山蔥蒨帆勢侵雲滅又
明山程背日黃昏見青青麥壟啼飛鴉寂寂楚徑紫
梨花行行驅馬萬里遠漸入烟嵐危棧陰林中有鳥
飛幽谷月上千巖一聲哭腸斷思歸不可聞人言恨
別來巴蜀我聽此鳥祝我魂死勿學此聲街寬縱爲
羽族莫栖息直上青雲呼帝闕此時山月如銜鏡最
岫參差互輝映皎潔深清入澗泉分明細見樵人逕
陰森鬼廟當郵亭鷄豚日宰聞墮腥愚夫禍福自迷
惑慙慙憑何通百靈月低山曉問行客已醉板漿拜
荒陌惆悵忠貞徒自持誰祭山頭望夫石

昇仙橋

羅隱

危梁枕路岐駐馬問前時價自及朋得名因婦女知
直須論運命不得違文詞執戟居鄉里榮華竟若爲

石城

胡曾

古郢雲開白雪樓漢江還遶石城流何人知道寥天
月曾向朱門送莫愁

尋陸鴻漸不遇

僧皎然

移家雖帶郭野徑入桑麻近種籬邊菊秋來未著花

扣門無大吠欲去問西家報道山中去歸來每日斜
題玉泉大師智者影堂

齊己

大化終華頂靈蹤示玉泉由來負高尚獨向好山川
洞壑藏諸怪杉松列瘦烟千秋空樹影猶似覆長禪

過鄧州

魚元機

柳拂蘭橈花滿枝石城城下暮帆遲折碑峰上三閭
墓遠火山頭五馬旗白雲調高題舊寺陽春歌在換
新詞莫愁魂逐清江去空使行人萬首詩

帝星井

無名氏

帝星胡爲落此間豈非此有子陵山蒼蒼珉井一百
丈至今深夜光芒寒壁老相傳是陳蹟斷碑摸索蒼
蘚斑往事恍惚不可問青山流水空潺湲

寒亭

無名氏

朔風凜凜雪漫漫未是寒亭分外寒六月火雲天不
雨請君來此凭欄杆

昭君

無名氏

夢裏分明入漢宮覺來燈背錦屏風紫臺月落關山
曉腸斷君恩信盡工

欽定古今圖書集成方輿彙編職方典

第一千一百四十八卷目錄

安陸府部藝文五

鄂州白雪樓

宋梅詢

白雪樓

滕宗諒

和鄂州張伯常惠詩

范純仁

鄂城新亭

劉賓

白雪樓

前人

漢上茅屋張伯常寓鄂皆築居

會鞏

和張伯常自鄂中將及本境先寄長句

前人

白雪樓

王安石

送張伯常移居鄂州

司馬光

惠泉

蘇軾

竟陵簿謝保

黃庭堅

荆門冬夜

陸游

哀郢二章

前人

沔陽夜行

前人

諸葛武侯書臺

前人

荆門州

范鍾

送安伯寧和沔陽

傅汝礪

莫愁歌

周竹坡

梅花嶺

無名氏

放鷹臺

明王越

詠羊左

李東陽

入沔

李東陽

石城樂

前人

白雪樓

許琪標

自承天進船至潛江寄郭舜符

高叔嗣

復州故城謠

潘子安

侯埠驛

前人

鬼谷洞

許英

聽鄂客歌陽春白雪

歐陽衰

京山道中

盧雍

寒食赴大石山

劉侃

惠泉

孫僅

過石城

王之望

又

李謙

襄河擢歌

李謙

二

李謙

三

李謙

四

李謙

五

李謙

六

李謙

茅埠歌

前人

又

前人

沙湖

前人

又

前人

沔陽報恩寺

前人

沔陽紀俗

前人

永固寺

前人

石城暮雨

袁宗皋

龍山曉鐘

前人

鄂中勝蹟十絕

王守仁

陽春曲

宗臣

龍窩石

孫文

莫愁古渡

王懷修

漢皋別意

前人

邁過湖

孫茂芝

雪中過玉泉寺

李長春

觀音巖別李本寧

王世貞

又

前人

石城曲

前人

又

前人

送孫郎中銓守鄂中

前人

仰止山堂對雪

顧璘

初夏遊龍泉寺

前人

遊玉泉寺僧談征調供億之苦

李維楨

雨後自當陽赴玉泉寺

前人

莫愁村集唐二絕句

前人

觀音巖

前人

滴水巖

前人

遊如意寺二首

前人

玉泉寺三首

前人

晚登陽春臺

唐志淳

黃平倩至玉泉以書見邀陪道趨之馬上感舊

有作

袁宏道

遊青溪同度門二首

袁中道

正月四日紫蓋道中

前人

遊龍泉胡文定墓

前人

五月十三玉泉道中	前人
吉祥寺松下夜歌和友夏	鍾惺
玉泉寺鐵塔歌	前人
歸經玉泉	前人
歸經蒙惠二泉	前人
寒河詩爲友夏賦二首	前人
秋晚荆門道中抵泉寺宿	前人
羣山萬壑赴荆門	前人
歸經蒙惠二泉	譚元春
登白雲寺閣	前人
雨宿青溪山家	前人
青溪春雪引	前人
玉泉鐵塔歌	前人
夜由蒙泉過惠泉作	前人
隆安郊行	方向
鄂東驛	鄒觀光
遊新洲寺	黎淳
遊大佛寺	前人
遊通明觀	前人
由漢口入鄂二首	吳國倫
仲宜樓	王格
聖木庵	前人
遊太陽寺	前人
宿芭蕉寺	前人
春日遊如意寺	前人
趙橫寺	前人
撥刀石	前人

沙湖留題圓通寺	童承叙
漢江歌	前人
泛竟陵西湖	鄭友鉉
金泉寺 壁有王給諫詩	前人
竟陵西塔寺	前人
雨宿西塔寺	黃景昉
五華山白龍寺	魯彭
入荆門即事	張文熙
南山橫練	陳文燭
靈福觀晨鐘	前人
黃蓬山	前人
五味池	王應真
題西塔寺	胡承諾
滴水寺尋章晦叔	譚如綸
戰方典第一千一百四十八卷	
安陸府部藝文五 詩	
鄂州白雪樓	宋梅詢
楚之襄王問宋玉玉嘗對以郢中歌歌爲白雪陽春	
曲始唱千人和再唱百人逐至此和者幾數人乃知	
高調難隨俗後來感慨起危樓足接浮雲聲出屋曲	
中古意世應希惆悵鯢魚孟諸宿樓傾瓦覆春又春	
酒瀉琉璃京錦鱗青山繞檻看不盡眼穿蕩藥石城	
人昔人一去不知處寒花雨斂自生嘆今聞太守新	

梁棟試選清暇可動塵	滕宗諒
白雪樓	
白雪樓危壓晴寬樓下波光數毛髮雕甍刻栢出煙	
霞萬瓦參差鵬翼截蘭汀蕙浦入平蕪天遠孤帆望	
中減屈平宋玉情不盡千古依然在風月漂零坐想	
十年舊歲月飛馳爭裂缺青雲交友夢魂斷白首漁	
樵誠契結安居環堵哀安老泣抱荆珍十和別折楊	
雖俚亦知名猶欲樓中廣白雪	
和鄂州張伯常惠詩	范純仁
高標早與利名疎獨向朱門肯曳裾舉眼正無羈客	
伴開顏長喜故人書相期消息應端的久別情懷待	
展舒聞說山城春色早安車乘興與莫徐徐	劉資
鄂城新亭	
每到新亭即厭歸野香經雨長松圍四簷山色清煩	
暑一局棋聲下翠微冰片角巾簪澗月錦紋拳石砌	
苔殘近來學得龍中鶴迴避鶯聲笑不飛	前人
白雪樓	
江上樓高十二梯梯梯登盡與雲齊人從別浦經年	
去天向平蕪儘眼低寒色不堪長黯黯秋光無奈更	
凄凄闌干曲盡愁難盡水正東流日正西	
漢上茅屋張伯常寓鄂昔榮居	曾肇
遠山清漢上隱然一隄長槐柳若雲布連陰入虛堂	
駕險注鳴溜分畦植群芳豈惟富桑柘蓋亦餘困倉	
主人事幽屏不願尚書郎即此徇高志風騷念徜徉	
強起迫義重還歸直明光清風衆然在素壁盤文章	
故樓勿回眎黃鶴本高翔	
和張伯常自鄂中將及本境先寄長句	

前人

板蕤威名亦壯哉
握蘭丰度冠中臺
知音忽有雙魚至
喜氣遙欣五馬來
梨顆玉腴含雨重
菊芳金粉傍寒開
池邊且欲雷同醉
思獨難酬白雪才

白雪樓

王安石

折楊皇華笑者多
陽春白雪和者少
知音四海無幾人
况乃區區郭中小
千載相傳始欲慕
一皆獨唱誰能曉
古心以此分冥冥
俚耳至今徒擾擾
未樓碧瓦何年有
樓櫓連空欲驚矯
郭人爛熳醉浮雲
郭女參差躡飛鳥
丘墟遺響難再得
欄檻茲名誰復表
我來欲歌聲更吞
石城寒江暮雲繞

送張伯常移居郢州

司馬光

楚江白遠遙楚山碧
參差玉炊稻粒長
縷切魚膾肥美君盡室行飄然
無所羈伐竹營茅茨
種菊為藩籬荒陵無四垣
但以荷塘圍官雖朝大夫
身世已相違楚老爭坐席
林叟談忘歸猶嫌沮溺徒
名字為人知

蘇軾

泉源從高來走下隨石脉
紛紛白沫亂隱隱蒼崖折
灣回成曲沼清澈見肝膈
深瀉為長溪奔馳蕩蛙蜩
初聞不容掩漸去已如帛
傳聞此山中神物頗遭誦
不能致雷雨醺醺吐寒碧
遂令山前人千古濯稻麥

竟陵簿謝保

黃庭堅

謝公文章如虎豹至今班
班在兒孫竟陵主簿極多
閒萬事不理專討論澗松
無心古須臾天球不琢中
粹溫落筆塵沙百馬奔劇
談風霆九河翻胃中恢疎
無怨思當官持廉且不煩
吏民欺公亦何忍慎勿驚
魚使河渾漢濱者舊今誰
有馴馬高蓋徒紛紛安知

四海習鑿齒拄笏看度南山雲

荆門冬夜

陸游

常饑龜老欲無腸
臨聽寒更自短長
香枕得閒聊作伴
酒盃因病頗相忘
有情意轉恰通月
耐冷勝枝多得霜
歷盡風波知險阻
平生錯羨捕魚郎

哀郢

前人

遠接商周昨最長
北盟齊晉勢爭強
華歌舞終蕭瑟雲
變風煙舊莽莽草
合故宮惟雁起盜
穿荒塚有孤藏離
騷未盡靈均恨志
士千秋淚滿裳

又

荆門十月早梅春
徂歲真同下阪輪
天地何心窮壯士
江湖從古著羈臣
淋漓痛飲長亭暮
慷慨悲歌白髮新
欲弔張華無處問
廢城霜露濕荆榛

沔陽夜行

前人

夜發沔陽驛坡陀岡
阜重月斜敲帽影霜
重濕裘茸野岸鳴枯
葉煙林度曉鐘梁州
明日到一笑解衰容
諸葛武侯書臺

前人

沔陽道中草離離臥龍
老矣空遺祠當時典
午稱猾賊氣喪不敢當
王師定軍山前寒食
路至今人祠丞相墓
松風想像梁父吟尚
憶翻然答三顧出師
一表千載無遠比管
樂蓋有餘世上俗儒
輩辦此高臺當日讀
何書

荆門州

范鍾

荆門道路阻且修
荆襄南北常咽喉
乘傳往來絡繹無
時休我來適值山
木啼鉤輅但見高
原下隰一碧萬頃
麥浪浮呼天控訴
天知不顧天十日
不雨而賜立俟萬
雲收比及年來三
不秋十室九餓逃
而流賣

兒嘉女骨肉相仇
饑歸來收麥聊為
身家謀含哺鼓腹
歡以龜俯仰穹壤
夫何求嗚呼我方
素餐而飽徒包羞
為渠樂其樂而憂
其憂不然視若風
馬牛而我一斯世
之綴旒已焉哉嚴
谷將誰尤

送安伯寧和沔陽

傅汝礪

水郭春為市沙村
夜種田雞栖桑雨
外魚網秋風前山
獸荆人璞江通郢
客船使幡當任過
貨雪隔花傳

莫愁歌

周竹坡

蓮花深紅蓮葉綠
平沙月上鴛鴦宿
青腰三板蘭作橈
月下莫愁歌一曲
移舟入花花轉深
花深調苦難為音
江邊夜半誰為語
只有嬋娟知此心
露花漸白月漸午
刺舟自見來時路
明朝繫纜柳邊門
却在夜來潮落處

梅花嶺

無名氏

徒有梅花名不見
梅花樹昔日種梅
人今日歸何處四
顧盡荆榛令人發
長嘯長嘯良有因
種植猶有繼何當
採其實重調商鼎
味

放鷹臺

明王越

妖狐狡兔今眼荒
臺秋草秋風今鷹
不來我思楚王兮
安在哉

詠羊左

李東陽

山深雪寒路坎坷
兩死何如一生可
桃才自信不如哀
君若有功何必我
楚王好士得燕未
築黃金臺當皆周
室何為哉吁嗟乎
樹中餓死安足戚
何似西山採薇食

入沔

李夢陽

潯暑秋何減孤城
水自環人煙村郭
外漁唱稻畦間

天閣翻低樹雲深不在山小舟能蕩槳共載夕陽還

石城樂

前人

盈盈窮窈女當門是誰家十三學畫眉十五擅琵琶

又

邑中有盧家此女名莫愁向前問此女女聞雙淚流

又

二十嫁夫郎重門阿閣房臨意種桐樹五年妾身長

又

自渠下揚州置妾守空樓悔不快剪刀斷水不東流

白雪樓

許琪標

梅花應發舊時香有客重來水一方春向劫友留翠

壁曲依雪韻度清商寄懷可使無秦越抗志何嫌不

漢唐難負登臨同攬勝望中千里迅風樞

玉泉寺

徐贍

曠遠江城北名山望已遍稍翻千頃綠花發一溪紅

晚照人行處春光鳥語中前村好問宿離落霧濛濛

自承天進船暮至潛江寄郭舜符

高叔嗣

漢渚雨聲聲日暮愁客心楚山雲霧多其奈客行何

時時登岸覽風物往往張帆去超忽決泝江流雨正

添蒙茸春樹日催發茲行豈是乘春意欲遣虛舟隨

所至生平本是江海人終朝遙詣魚鳥事投札鄉園

報所思辜芳欣及仲春時頓忘異國勞行役但關同

心磨賞期

復州故城謠

潘子安

陰風生紙錢空掛墳前樹墳上荆棘穴狐兔燒場未
冷煙未消棄骨如銀滿行路金尊酒盡且須除莫遣

愁霜著繁華鶴歸華表空明月燕入烏衣又落花神
仙狡獪矜長壽安期彭祖今何有可憐羸政訪蓬萊
採藥未還聞鮑臭請君試聽故城謠峻宇雕牆徒爾
勞

侯埠驛

前人

桂花開遍菊花開三月辭家九月回帆背夕陽天外

去雁分秋色水邊來嘉禾雲霞懷幽俗落木風高憶

楚材莫怪舉盃無飲興倚闌當日正徘徊

鬼谷洞

許英

可愛清溪古梵宮一灣流水數株松半巖晴日裁雲

納十里山風送曉鐘道土昔乘天上鶴老僧曾叱鉢

中龍停驂坐聽談元處香旛花扉燭影重

聽郭客歌陽春白雪

歐陽袞

寂聽郭中人高歌已絕倫臨風飄白雪何日奏陽春

調雅偏盈耳聲長香入神連連貫珠並累疊遏雲頻

度曲知難和凝情想任真周郎如賞善莫使滯芳晨

京山道中

盧雍

淡淡東風曉雨晴薄寒天氣近清明華鋪秀嶺來春

牧煙起平田星火耕新柳向人偏弄色幽花滿地不

知名驛車又過京山去怪石縱橫水有聲

寒食赴大石山

劉侃

雞鳴促柳沐起視旦若何攝衣履屐欽北望青山阿

青山路不極綠水春復波經行歷九折迢遞通重河

宿草恨已萋况此丘中柯並插理荒穢日夕忘蹉跎

粵昔高堂寢權燕亦何多一朝歸山丘相與泣松蘿

悠悠天壤問歎如隙驥過白日已西沒誰挽魯陽戈
戀此傷我心愴然歌寥我歌盡何所見雲山空嵯峨

惠泉

孫僅

孤城深鎖亂雲間城上雲開面面山負郭惠泉誰共
訪衡公詩碣綠苔斑

過石城

王之望

滄浪渡口莫愁鄉萬頃寒煙木落霜珍重使君留客

意一樽芳酒醉斜陽

又

江上危亭思黯然追歡陳迹欲經年別來西望應相
憶郭樹荆門共一川

襄河權歌

李濂

襄河兩岸石榴花綠萼青梢照客槎春風吹絮柳休
住野艷令人忘却家

二

宜城桑落碧醪香郎過宜城莫驚航最怕春風蕩心
處當壚調瑟楚名娼

三

襄川斜繞石城流郭上嶠嶠白雪樓郎船若過聊停
權爲問當年盧莫愁

四

竹垣連後下三巴郎到三巴早念家庭前桃樹郎親
種郎去無心去看花

五

石灘沙岸古襄河郎在襄河歲月多今早郎書荆北
到昨宵妾夢漢江過

六

雙雙鸕鶿鴨鴨川對對鴛鴦戲白蓮如何郎去後無
偶惱殺春風夜不眠

此為試讀，需要完整PDF請訪問：www.ertongbook.com